

近代中國史料叢刊續編第十七輯
沈雲龍主編

長毋想忘詩詞集

王陸一著

文海出版社

有限公司
印行

王陀一先生書

長毋相忘詩詞集

于右任題



重印王陸一長毋相忘詩詞集序

民國四十四年夏，在臺北得王陸一長毋相忘詩詞集，爲張庚由西安編印本；同人喜甚，謀重印焉。江君絮生舊與陸一爲文字交，請其校定，將付印矣，忽失去。四十六年又在友人處得一本，絮生校後，又遺失。此爲劉君光斗所藏，經年始印成，卽此證明陸一之詩，愛者廣故藏者多，必傳之作，終必傳也。

余識陸一在民八，時陝西靖國軍已在危急之時，總司令部忽得一有天才、有思想，而兼富文學修養之青年記室，天之所遇靖國軍者亦厚矣。——民十三四，陸一留俄，知識日廣，作品日肆。余爲援陝事亦入俄，由蒙古歸國，而以道路不同，頗爲間闊，對其進益不知也。及民二十左右，陸一編余詩，始發見有懷陸一之作，余亦發見陸一長處，能鎔鑄古今，激揚時代，甚矣文學家之難得，是天之所特生而偶一合者也。

民前余辦民立報時，遇一徐血兒，後爲報界特出之人才。靖國軍戎馬倉皇之際，得一王陸一，等於在胡景翼、張義安、董振五戰將之外，又得一戰將，世人傳爲美談。徐王二君，皆以熱血青年，欲投身大時代，其生命之源泉，偶然與余

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面


若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



匯合，而波瀾壯濶；其生命之火花，偶然與余相擊，而光芒照世！是天耶人耶？然余負二君多矣！余輓徐血兒詩存集中，所謂民立七哀。輓王陸一聯曰：「心肝已碎難爲補，文字無靈且自寬。」今日之心境，猶前日之心境也！

民國四十八年七月十日 于右任



王陸一先生畫像

靈伽恭繪

國民政府令

監察院山西陝西監察區監察使王陸一，志行忠誠，學識明達；曩歲參加革命，弗避艱難，翊贊中樞，尤多匡益。比年出司風憲，巡察糾舉，卓著忠勤。方期克展長才，興邦共濟，遽聞溘逝，軫悼良深！應予明令褒揚，並交考試院轉行銓敘部從優議卹，以彰忠蓋。此令。

主席

蔣中正

行政院院長

蔣中正

考試院院長

戴傳賢

中華民國三十三年十二月二十三日

西南懸道入天斜
西務列群
州有故家牛角山
河埋帝紀
龍飛人物出虫蝕
沙千盤陣
麗紅棉草百戰絃
空紫穗
花傳是翼兵王
兵過了馬前
明月即天涯

彭水城塞間
述太平軍入蜀時
事曰紀以詩



監察院用牌

王陸一先生遺墨

山更高華水更清誰人知
向戰場行江南潤碧石三
月路底團煙蜀五城有約
磨崖全勝了相逢今日大
雲生芙蓉萬嶂千秋成海
慰我青袍按部情

巡察第六戰區越南川黔水間大山

民權學子長兄 正之

王陸一



監


察院用
三十一年五月
書於長安

王陸一先生遺墨

出餐清滿子酸源止命記當辛蘆
浦橋外翟塘岐口五丈原為 潮平
潮漲人疑人笑山恨綿 鍾山之橋貝湖
水雪刺石名篇

夢王陸一先生

于右任 田



酒為紀念王陸一。
以文會友交情溢。
憐才幸遇三原于。
磁石相吸兩枝筆。
君所吟。容未然。
生命火花偶相擊。

狄
膺

遺世芳菲滿眼句多風
月風雷才人至奈不長何
九死出君未悔 幾歷詩壇証
陣難名大宋深名如人深筆
為市鈔 好句流傳千載

王德一先生詩詞卷尾集卷之四

寒林

陸 一 訪

陸

一 訪

長毋相忘詩集

●總理奉安哀辭（應中國國民黨中央執行委員會徵選之作）

廣道兮墳填，哀吹兮極天；

日月兮時邁，靈輻兮既遷。

肅奉安兮國父，動萬衆兮號攀；

森全史兮象設，愴若失兮羣顏！

謨勤兮日昃，逝景兮何迫？

遺命兮諄勞，黨人兮式則。

四十載兮胼胝，奉興繼兮有責。

致心力兮陳辭，天青青兮日白！

三原王陸一撰
涇陽張庚由輯
合肥江絮生

崇闕兮崔巍，隧寢兮遭迴；
萬歲兮永闕，臨禮兮崩摧；
駢千塗兮會葬，穆奔赴兮雲雷；
惟精神兮不死，見天地兮昭回。

●唐園題壁（民國九年三原作）

中原誰使見降旗，問壁呵天意絕癡。遂令人才歸赦後，相攜名字到平時。棘門一
旅兒嬉耳，漢上諸姬楚盡之，碧血繁花征戰地，臨風指點不勝悲。
慟哭黃台淚已枯，河山無恙孰歸乎！人從郭泰危鉤黨，世使鄭生號酒徒；陌上漸
多花側媚，樽前寧耐語模糊。潮音驀聽勞耕好，人意春風到綠蕪。

●哭于鶴九先生（民國十年）

先生爲余外舅，遇難後年餘乃得哭於墓，次哀詞三首，竊欲髣髴先生生平
門庭，鄙鑒失尋常，敢爲人間友道傷。滕國尙能容許子，夥頤初未負陳王。十年戰
伐生豺虎，萬死煩冤愬鳳凰；痛苦新墳增尺土，嵯峨山色太沉荒！
五步相持勢且休，唐雎一怒失回頭。人皆欲殺何須罪，智不侔時合見收。絕調竟

爲山鬼賺，遺文空剩故交求。卽今揮劍臨危處，萬木號風戰烈秋。
血點爛斑迹未平，情馳知己禍偏攪。人難死後爭爲友，世論生前太不情。邑里始
應知教育，肝腸終被累才名。事關天壤孤軍命，不獨西州有哭聲！

●經敵陣至武功行營（民國十一年）

垂危拋病母，伏地一長號。此淚終天別，橫心百楚遭！倉皇從閒道，險阻望金弢
，問訊軍中使，陰雲入陣高。

教稼台空在，周原久輟耕。壺漿隨一旅，烟火贖孤城；幸續遺民命，還依上將營
。弓衣潛出涕，月色轉危旌。

●陝西靖國軍諸將持義不卒勢將瓦解書憤二首

悵望軍門日已昏，天心人事兩難論。羊頭有地容新貴，馬鬣何年弔故魂！秋草夕
陽明劫火，平沙軋道送蹄痕；早知秦土終迷惘，兼併餘威固尙存。
莫訝高歌變徵聲，丁年冠劍自崢嶸。牽機尙賜降王長，輿櫬寧寬孺子嬰，根本已
難遮百口，蒼黃猶欲洗同盟。誰摧革命將成業，愧絕南天有義兵。

●淳化方里鎮宿外舅于公鶴九兵營

故山巖壑苦相招，住與梅花近此橋。河水漸冰思履虎，霜天和雪冷盤鳴；禁迴磴道窮幽險，歷落潮痕認漲消。暫許投荒成獨嘯，人間音息總無聊。

●鳳翔兵敗隨右任先生間道走隴上作

隴頭流水欲何歸，惆悵孤軍願竟違。始計遺民終粒食；頻勞上將撫戎衣。馬嵬鼓角方聞戰，鳳郡營屯痛解圍。天壤自存心力在，山河回首未全非。

●天水道中

涓濁尋源渡，山行路更長。水聲喧亂石，人意得平岡；往事成豪放，前途亦邈茫。隗囂宮在否，城邑莽蒼蒼。

●徽縣將之碧口

麻鞋南去蜀，杜子此曾行。野渡歸樵唱，村旗落雁聲；劍關天失險，秦塞事還平。更泛嘉陵水，蓬舟兩槳輕。

●靈台夜發

鈴鐸相聞月尚斜，兩三星火見人家。盤空瘦馬驚難定，破曉啼鶉聽亦差。失路心親緣岸柳，避兵行倦故山花；年年西北無端淚，持與生民應有涯。

●嘉陵江中滯雨上下四方皆水也夜深右任先生與同行諸友均念李春堂參謀之死同爲淚下

浪撼空江意未平，江雲如墨逼船生。夜深感事兼懷友，聽盡孤篷急雨聲。

●度隴

策馬荒山強自寬？重圍初出路漫漫。時經喪亂逢人怯，書寄平安著語難；百戰舊巡迷曉月，萬家新穫擁晴灣。柳陰牧笛橫吹好，六郡材良氣豈殘。

●將近天水白玫瑰花夾道盛開好香卓越騎次口號

山花三百里，行路髮青枝；下馬眠香雪，鳴禽喚客時。

●清水宣化岡道中

層樓霜壑鬱岩嶢，遊牧東來事已勞。淺草平沙牛馬過，孤城斜日隼鷹高；自爲生活安羣族，追惜夷傷有二毛。偶向居民問遺事，尙餘風俗種葡萄。

●函關西發

從亡何意竟生還？閒道嶠西晚度關。亭障風雲千里際，人家離亂十年間；河沉牧野無秋色，山聳潼津有客顏；舊是鼓行東向地，卽今成毀事方艱。

●海參崴登陸入俄疆矣

鎖港歐西因百年，極荒馳驛水雲邊。雄圖鐵軌東通海，絕險冰層北竟天；萬派繁星山市火，四圍濃墨估船煙；入疆砦壘成憑弔，兼并餘威一憮然。

●過尼布楚舊有中俄國界碑今廢矣

多事分疆域，巍俄國界碑。勒文諸體異，遺蹟百年悲！牧馬今無禁，盤螭昔屢移。籬邊封冒頓，太息尙羈縻。

●經烏拉山入歐洲境山下爲革命軍誅俄皇處

烏拉山頭路，蒼松舊戰場。聲非呼萬歲，勢且動危邦。試取獨夫首，先爲天下倡！可知民有怒，撼嶽孰能強。

●西伯利亞道中譯歌

朝渡黑龍江，夕至烏蘇里；可憐古時月，千里相思死。
停車自汲水，天寒冰不化；君心不可知，松枝不低亞。
柏枝焚更香，松枝焚耐久；耐久終作灰，相思亦何有！

●過黑龍江橋入俄境

萬里平原振北風，輕車如夢入俄東。雄關時已輕山海，界國江猶號混同。分野人耕新授地，黏天草沒舊離宮；行歌相答勞勞者，莫逆鸞輪小駐中。

●車中

雪野連車語細聞，相思知隔萬重雲。閒支月苦霜淒夜！不怨梅花忍怨君！
輕輪載夢碾寒衾，夜漸迢迢月漸陰；恰看火花飛邊路，一隄煙襯草紅心。
何處紅樓靜遠燈，玻璃寒透一層層；分明窗上水花溼，結得同心字可曾？

●朝鮮海峽贈同舟韓人（民國十四年十月）

樓櫓橫東海，鯨鼉接浪來。還因三島近，轉爲一韓哀。地氣終難屈，天容鬱未開。
。白山終日望，禱爾國魂回。

昔聽篋篋引，蒼涼喚奈何。連波侵海岸，聚鬼瞰山阿。國已東其畝，公毋北渡河。
。至今箕子國，猶動黍離歌。

水湧層巒起，因人感廢興。情親稱上國，淚盡指諸陵。白紵遺民服，青燐照海燈。
；寶刀持共視，珍重渡滄溟。

●莫斯科感懷（民國十四年十一月）

我欲臨高台，高台多悲風。山川日慘厲，何以慰孤衷？陰雲西北至，仰首與之逢。
。委衣坐塵埃。荆棘當我胸；當胸不可觸，觸亦毋怨恫。皚皚金鵲山，鬱鬱沙皇
宮；高枝守殘雪，淒清聞禱鐘。故疆始遼廓，念我來時踪。北荒冷酷地，氣寒無
春容。同根不同葉，草木何葱葱？斜陽散工徒，舉酒黃不濃。昇平太平世，遠想
心爲忡；何當來暖流？人境今融融。

耿耿倚孤衷，哀哀時命違；受恩念未報，前路當日稀，行役云有分，不得中顧私。
。壁爐凍不焰，寒雲愈低垂；同情復同情，無情能爲誰？仁民愛物意，卽此一推
施。任爲世所遺，此心當有歸。

鴻鵠初遠飛，飄風鍛其翼。哀鳴落大野，痛此盤旋地。燿繳雖未逢，已失寥天唳。
。我欲戀故鄉，胡爲至於是？嘉樹珊瑚果，黃花得新憩；杉木屋陰，相與歎然
聚。嗟嗟異言服，知察淵魚志，願持光明心，八表瞻依至。

●悼李君春堂君死陝西靖國軍之難已三年矣（民國十四年十二月）

李君死難前，遺我一紙書。我適赴西師，未知書何如。惟聞持大義，軍中定策殊
；皎皎獨難潔，况欲救兵符。以此惡主將，狙擊不須臾。傷心高陵會，東門無迴
車。我時奔喪歸，匍匐望靈輿。殯道下慈櫬，恨不身與俱！墓門懸血淚，有生痛
不渝。此時天地隘，麻衣無一隅。割恩去故里，周原趨薰茶。危城繞重敵，急難
學趨趨。與君阻魂魄，明君辛苦圖，所哀魯橋路，白楊千萬株；悲風作急響，孤
墳草日蕪。數年不夢君，知我念君疏。濃雲會窮北，新羣始驚呼。朗朗照故國，
君心猶有餘。

●王君榮霆爲革命死西安蒼茫生念（民國十四年十二月）

燕人王榮霆，慷慨多奇節。奉命靖國軍，死矣長安烈。長安一杯酒，倉猝照顏色。關中政苛猛，苦戰驅民賊。嬰城發大難，事敗禍旋及。朋黨瓜蔓盡，破柱難相匿。我走三原軍，青旗隔渭北。敝廬籍沒去，痛得君消息。骸骨不可收，三年化爲碧。數數問寧河，未得君家邑。蒼茫故國心，月色皓不滅。

●莫斯科送趙文炳張庚由兩同學歸國（民國十五年三月）

春風吹綠行道樹，送君復向來時路。趙君慷慨歌隴頭，隴頭流水不可住。張君年少美丰骨，萬里之行棄不顧。誰當含忍學相跡，挾策俱亡求寐寤。鼻息人間動鼉鼓，此意堪哀獨何故。出入不言復不辭，山川大國生芳露。

●莫斯科春感

春盡俄疆草未青，但餘人與慰飄零；相持一掬瀾翻淚，不似當時獵五陵。散盡年時載酒徒，青袍如夢一驚呼；梨花釀熟橋頭路，記取重歸認綠蕪。

●烏拉山頭之歌

海陸一月道，漸入歐洲境。冷然御長風，山川日以寬。松杉萬里樹，夾路參差影。板屋亂心曲，况乃霜雪緊。努力當行邁，遂登烏拉嶺。山洞四十餘，冥行只一瞬。感此懷故國，陰晦千年永。昨者經赤塔，內戰復聞警。我聞此嶺下，俄皇就誅殞。前事爲之防，民生耗已閔。革命大仁勇，天下赴平準。遺教何諄勞，黨命矢無隕。嶺頭一高望，皚皚雪猶實。慷慨動嘯歌，天地爾自冷。

右烏拉山頭之歌民國十四年作於西北利亞車中烏拉山下卽俄皇尼古拉斯第二被革命軍執治處也山下松杉億萬株鐵道繞山行又鑿洞四十餘以通車山迤東爲貝加爾湖風景絕佳產玲瓏小石行人多携取作紀念烏拉山石亦瑩緻有美澤山中人以之製諸雜珮殊可珍愛

●歸國十首寄上右任先生（民國十六年）

陰雲急雨裂層衣，相送諸人涕共揮。握手苦云須努力，撫心前路願無違；遺行刻骨頻哀悔，積羽沉船果是非。一哭縱聲今返國，此行何處始爲歸？
草草離觴向晚寒，同車百里轉相寬。奔波竟夜爲謀酒，珍重前途屬盡歡。燈下暗愁明日淚，衣中還展素書看；殷勤更與教言語，知我人間行路難。

詎有秋莼繫所懷，蕪城南去怯沉哀。三秦形勝重圍合，長路風波獨客回。轉折竟難追瀚海，艱危終自念輪台；烏頭白雪心無毀，不卜靈氛繭足來。

時西安被圍右任先生兼程歸國赴援余獨從間道經俄蒙邊境歷長城歸陝。

盼斷征程絕袂行，中天好月夜頻驚。還公無恙軍三北，謂我何求劍一鳴。生聚十年兼教訓，攷工來日化農耕。誰思卻送車塵後，獨向新豐射獵營。

淹留失計動長嗟，悵徹河源有去槎。衆口凌陰凋夏葉，一身絕域改春華；羽毛自惜寧多事，聲影羣猜庶不譁。南雁孤飛罹百苦，哀鳴猶得落平沙。

裹糧行處綠成痕，故國江南舊此村。殘破已多曾戰地，蒼涼共有未招魂。人謀能淑無餘計，黨錮何嘗及九原？便使煩苛豺虎滿，歸從排盪不須論。

松林排似萬山峯，回認來時雪後容。別以莊嚴開世界，何妨人物有秋冬。千家日下牛羊牧，幾處歌邊水石春；消息神州知不遠，一時深省絳雲鐘。

聞道前綏已撤防，居庸關下舊嚴疆。長城戰格秋全棄，大漠軍台草正黃；移戍漸看過北斗，會師真欲誤南方。雁門橫斷還堪慮，拊背神京計更荒。

途中聞國民一軍退南口二三軍餘部將赴包頭

飲馬何人就野泉，冰霜垂老下胡天。已多部曲成名將，猶念黎元問井田。入塞崎

輻尋間道，寄書茫昧試三川；桑麻徧野當年事，捲土重來未偶然。
知在黃雲野戍頭，駝鈴鏜鞳度邊秋。東行獨石途初阻，西向長安戰正稠；心逐穹
廬忘海陸，身餘明月照沉浮。何因爲糾羣材起，卽守雍州出豫州。

●留別上海諸友（民國十九年）

事業艱危百劫餘，中原纔是亂離初。樓台雨濕春燈冷，送遠將歸竟不如。
末路真難故步行，連蜷雌霓掩名京；最關國命俄延處，又聽移宮換羽聲。
割裂河汾競北盟，眼前都望奉旗旌；織兒惟解窮鈎黨，還痛東林鑄錯成。
誓海魚龍聽可真？朱絃橫絕復何人。刺船豈得從茲去，夢想還驅草木春。
江近金陵失上游，脂柔香勝水波羞；從來六代銷沉地，苦遣荒城號石頭。

●離歌（民國十九年）

故人高意頻留客，江水流春漾行色。客散江南第幾回，醉淚漂花兩舷側。夜闌燈
火接船明，哀咽魚龍弄水聲。爲有美人青玉案，防傾哲婦石頭城。年時惜別依稀
記，曾誰厭勝金陵氣；亭長還鄉鐵券多，庶人失國雌風異；沉痛陵園負土期，無
聊輦轂儒生議；不是雲臺物色加，難分宮井胭脂膩。綠楊城郭月徘徊，臨水登山

意最哀；人謝梅花遲綠萼，詞傳瓜蔓抱黃台。橫流滄海携家去，北望長安無限路；元戎垂老念鄉關，幾挈蘭成成久住。風雲難問舊儲胥，百萬人家破碎餘；又向瀟陵收棄子，重來秦火燼藏書；鎬池白馬逢傳語，汾水霜烏質檻車。南還江鎖舊千尋，天塹嚴秋戒晚碁；誰意中原生石勒，還開半壁諱韓擒。褰裳復作無家別，投壘寧疏誓水心；未是鸚鵡見毛羽，忍饑詎欲飛何許？遠山苦復長畏人，倘願蟪蛄聞十里。有生但乞蹉跎盡，淮海微禽斯已幸；相思相望柳依依，一陌春雲問來信。

●寄懷絮生南京

每從愁裏讀君詩，樓外春雲雨萬絲；一到千年魂魄句，肝腸橫絕恐君知。

君贈詩有魂魄千年更相覓句

入海捶琴事未安，幾回分食向人難；相逢恰有君如我，好把心魂共守看。艱難惟恐散同羣，又恐羈遲太累君；只有苦心兼熱淚，留人漂泊過春分。相依申浦一年餘，記得挑燈發禁書；中夜讀完燃火笑，指天畫地兩狂奴。送遠勞歌一再行，最含哀意過南京；宣城酒熟江風軟，空岸猶傳踏步聲。

●安徽大學寄絜生（民國十九年）

初日芙蓉擬妙詞，綿綿珍惜遠如期。傾懷徑欲輕名物，入世真難決受持。將子不歸春且晚，伊人何所水之湄；無靈文采烏棲穩，空負驚才絕代知。薄愬江靈挾瑟行，淮南鳴羽引晨聲。交游劇孟多亡命，文字繁欽有定情；地氣豈爲吳楚袒，人才如共亂離生。長江東去天無盡，早晚荒雲野望橫。

●遊雨花台和絜生感時之作（民國二十年秋末）

勝算能空胡馬羣，人民城郭卜靈氛。寧能一戰真無策，竟啓重關痛所聞！陵廟忽生秋後草，衣冠行逐嶺南雲。憑江莫倚偏安業，紫蓋青絲屬上勳。

●隨右任先生奉使粵中（民國二十年冬）

安危天下使君槎，百粵威靈館越華。地近赤躔冬若夏，人還滄海國無家；成言趙尉消雄長，作喻相如謹畔涯。重惜中樞輕付與，嶺南來看木棉花。

●國難有懷南京諸友卽寄曦亭文炳古心劼剛丹符庚由絜生

頻年相待餘今日，海北天南望豈知？絕未商量逢國破，竟無安頓負交期。定爲恢

復還須共，真恐流亡或見遺。瓜剖豆分如隔世，歸來尋覓亦成疑。

●哭張治東兄殉南康之難（民國二十年）

江岸燈芒立，寒更動遠書。慨慷當國難，離散過年除；有誓嬰城守，無援備賊疏。
。早知身欲殉，已在量移初。
骨肉今餘幾？聞哀戰地來。猶尋生手足，長痛遠沉埋；亂血皆人子，糜軀屬異才。
。遺民初未負，指說哭城隈。
庚嶺招魂葬，彤天赤焰焚。所傷猶慰母，不返已如君。作計憐漂泊，無涯感誅文；
窮冬濱海地，垂淚惜臨分。
弱弟同辭國，平生師友親。與君看長大，特地惜才人。此日持余哭，經時有母貧。
。創心今一檢，哀恨永難淪。

●贈王劭剛

十年征戍話秦軍，猶記艱危一見君；人事日非相識邈，東南天遠散微雲。
鄴杜桑麻種樹書，人天三策竟何如？南山逐虎都年少，遲惜逢君羽獵初。
入海師襄絕故絃，峯青曲渺聽無邊；感君臨水登山意，進酒如泉一惘然，

●香港偶成（民國二十年冬）

吹海離披草當春，偶然佳想屬行人。衣裳細雨都無恙，爲汝橙花酒一巡。
新識南荒草木心，桄榔葉暗老榕陰；台灣亦有相思樹，深處相思水百尋。
百萬人家阻海哀，丸泥誰障浪潮迴？艤艫東掠尋常事，曾是天南貢使來。
天半樓台電火繁，鮫人珠海夜聞喧；沉香如水綃如霧，絕望中原望故園。
馳道環迴海上山，蒼松萬簇作離顏；車行寸寸傷心地，咫尺人如去國還。
鄭露携琴聽海雲，尙留孱土惜離羣；原知無益中興事，冷抱嶠書盼義軍。
山靈無檄可移公，漏盡蠻彝大長同。好水好花峯乍轉。有人低首望南中。
故應朝廷用法家，安危功罪議如麻；亦悲負手逍遙意，繞屋彌山爆仗花。

謁胡展堂先生於赤柱寓廬退後書感

●遊九龍宋亡台（民國二十年冬）

失國山花歲盡開，潮根留見宋亡台；更無王業偏安地，早辦心腸蹈海來。
飛水淪胥半島春，南音無改號遺民；荒城極土原防海，有客升堂憎主人。
割愛山名與水名，九龍城盡夕陽明；存他百堞胭脂色，猶是生辭上國情。

●遊雨花台（民國二十年）

弓矢_多唐戀舞腰，殿前新轉鬱輪袍；太平萬歲誰顏色，學士如花左右曹。
鍾阜何絲洩一渠，却從天塹種芙蓉；山名水姓都靈異，乞就龍威檢秘書。
海內威加又此時，蒼梧雲遠陟方悲；何因原廟崇弓劍，猶有湘神近水祠。
一箔啼鶯簇上春，斷無紅軟北方塵；飄燈夜送秦淮漲，時有銅章露告身。
祥詞爭唱定風波，夾道朱門漸麗娥；一事自哀年少日，見人開國鑄銅駝。
故遣司天奏客星，羊裘猶得去冥冥；可知伸足中台夜，無復靈瀧一派青。

●清涼山題壁（民國二十年）

樓外春雲水半鋪，橫江通得一辭無？從來南渡沉荒地，僑植瑯琊柳萬株。
隴頭嗚咽水曾經，萬里東南白下亭；握手與君雙淚下，猶留開國一山青。

（與趙文炳君遇南京）

青溪打槳女郎身，却采芙蓉訴水神；不是關心南國事，碧波頻送渡江人。
輕帆移處水雲低，城郭青旗屋瓦齊。吹轉庶人風一派，百重春水百重隄。

●遷都（民國二十一年春）

匆匆翠蓋聽遷都，辭廟倉皇事有無；定例君臣皆一走，寇來惟見白門烏。
盟如能覓又何盟，將事榮敦有重輕；五步周旋今日是，斷難賢者恕公卿！
山川氣散亦誰云，南渡衣冠望益紛；莫弔太平天國事，支持猶得幾元勳？
陵園誰更戀高丘，坏土猶新樹未稠；私意淒涼謝陵戶，寇來無敢犯長楸。
父老叢祠卜廢興，山前埋沒舊諸陵；今來不是西巡狩，寂寞城頭守夜燈。
隘巷雞鳴叩故家，華燈清拍夜方遐；傳聞桃葉初春水，慣送啼妝去館娃。
江流無恙繞金焦，北固山迴早夜潮；稍怨橫波太多事，相逢明月廿重橋。
艱危留後奮全籌，汴水東南去住憂；好謝高家舊兵馬，萬梅花足守揚州。
一轍南都望左兵，城頭傳鼓月三更；庾樓哀宴羣賓罷，起爲蒼生衛上京。
虎踞龍蟠勢未凡，可憐行在竟無關；萬人都望何留守，遂令神州得保完。

●舟歸南京礮火中過吳淞（民國二十一年）

誰念南東有國門，早應人物蕩無存。邊籌未定長驅入，廢壘難爲累葉尊。效死軍
民祈廟算，絕愁天地見塵昏。吳淞樓艦乘危過，歷歷孤台苦戰痕。

●望國際聯盟訊（民國二十一年春在洛陽）

雲衢高議沸和戎，盡海西頭望豈通。薄愬往逢媒已拙，傾城來顧事難工。人爲刀俎遲亡鹿，我辦芻香盼遠鴻。不信森河流匯處，丹書盟府有無中。

●夜坐秦淮水閣（民國二十一年）

寂寂沉船漲夜潮，秦淮涼月一簾高；可知玉笛人邊意，吹近紅欄第幾橋？

●汴洛道中（民國二十二年三月）

北道青蕪苦告荒，中原歲歲見流亡。大隄麗質濃初柳，梁苑才人送遠楊；有地能消南北意，無言沉弔古今殤。風雲猶護中興業，痛定民情惜戰場。

●二十二年十二月與溥泉星樵雄夫先生奉使粵桂舟次南海

一舶東南水作塵，萬方多難幾行人。天平海岸無疆堠，風勁晨空望歲春。誰假兵符移列郡，羣於元輅寶椎輪。魚龍靈聽還山立，凝告憂皇國步迤。

●遊番禺蘿岡洞（民國二十二年）